

11 DEC 1999

ABU HASSAN UCAP SYABAS KEPADA PERDANA MENTERI

KUALA LUMPUR, 11 Dis (Bernama) -- Menteri Besar Selangor, Datuk Seri Abu Hassan Omar hari ini mengucapkan syabas kepada Datuk Seri Dr Mahathir Mohamad atas pelantikan Kabinet baru yang disifatkan sebagai mantap dan dapat memacu negara ke era lebih cemerlang di alaf baru.

"Saya yakin barisan Kabinet itu adalah hasil kepintaran Perdana Menteri. Inilah kepakaran, keistimewaan dan klasiknya Dr Mahathir," katanya dalam satu kenyataan di sini.

Perdana Menteri mengumumkan barisan Kabinet baru semalam yang menampilkan sembilan muka baru sebagai Menteri.

Abu Hassan berkata, barisan Kabinet itu adalah adunan muka-muka lama yang berpengalaman dan muka baru yang berkaliber serta berpotensi menjadi pemimpin akan datang.

Kerajaan Selangor akan terus memberi kerjasama dan sokongan padu bagi memastikan dasar-dasar dan program-program negara dapat diteruskan.

Beliau juga mengucapkan setinggi-tinggi terima kasih kepada Dr Mahathir atas pelantikan tujuh ahli Parlimen Selangor bagi jawatan Timbalan Menteri dan Setiausaha Parlimen.

-- BERNAMA

ARA PR